


席氏讀說文記

二



席氏讀說文記

(二)

席世昌著

席氏讀說文記

說文解字第五

竹

箛 竹兒

張衡賦阿那箛茸注引此俗本文選从艸非

籀 讀書也

師古曰繇本作籀籀書也謂讀卜詞

篇

釋文易泰篇篇不富以其鄰

筵 从竹竹簡書也汜聲

錯本作从竹汜聲竹簡書也

符 信也漢制以竹長六寸分而相合

史記高紀封皇帝璽符節索隱注引此

筵

按周頌磬筵將將漢書鍾石筵弦筵皆通作管
師古曰與管同

簋 匱古文簋或从軌 枕亦古文簋

惠氏九經古義云案公食大夫禮云設黍稷六

簋于俎西鄭氏注云古文簋皆爲軌損二簋可用享蜀才本作軌昌案後鄭皆爲軌與蜀才作軌字皆當是軌字傳寫之誤或是匚字之省惠氏竟以軌字爲古文簋此大謬也从簋猶不失本義从軌則爲軌轍之軌矣簋今文也軌別字也以別字改今文而誤認爲古此攷據家信古書而不尋其義之通病也

箇 竹校也

功臣表入竹二萬箇師古曰校也按漢書亦作

个刑法志負矢五十个師古曰个讀曰箇

筴 竹索也

溝洫志擐長筴兮湛美玉臣瓚曰竹葦組謂之
筴所以引置土石也筴字宜从竹

箝 箝也

漢書表箝語燒書晉灼引此注師古曰謂箝箝
其曰不聽妄言也卽禁耦語是也

箝

箝也

尼輒切

漢書天馬歌箝浮雲蘇林音躡

筭擊也

史記高紀人乃以嫗爲不誠欲筭之索隱注引此

箴綴衣箴也

禮內則紉箴請補綴又藝文志用度箴石湯火所施師古曰箴所以刺病也

管如箴六孔十二月之音

月賦聽朔管之秋引注引此又曰位在北方故云朔

琯

西王母來獻白玉琯見尚書大傳 零陵文學
奚景於冷道舜祠下得白玉琯漢章帝時事

筑

以竹曲五弦之樂也从竹从珣竹亦聲

吳都賦注引此作似箏無以竹曲三字 按竹
亦聲以母爲聲此創例也

搏

局戲也

今作搏省母字也

籓

禁苑也

漢書作籞 宣帝紀池籞未御幸者蘇林曰折竹以繩縣連禁籞使人不得往來律名爲籞服虔曰籞在池水中作室可用棲鳥鳥入中則捕之應劭曰池陂池籞禁苑也臣瓚曰籞者所以養鳥也設爲藩絡周覆其上令鳥不得出猶苑之畜獸池之畜魚也按應說卽本說文

筭 長六寸計厯數者

律歷志云其筭法用竹徑一分長六寸二百七十一枚而成六觚爲一握按此則注長六寸上

應增徑一分三字義方完備 又漢志引逸書
曰先其筭命師古以數字解之是混筭于算也
算數也

易若夫雜物損德 鄭作算云數也與說文合
笑 此字本闕唐韻引說文云喜也从竹从大李陽冰
刊定說文从竹从夭義云竹得風其體夭屈如人
之笑

漢書上嘿然而咲師古曰咲古笑字又薛宣傳
壹笑爲樂師古曰壹笑一爲歡笑耳矣古笑字

也據此則笑當作矢

箴補

曲禮素箴注覆箴也

工

巨

从工象手持之

錯本句末有形字

曰

晉

曾也詩曰晉不畏明

詩曰句下錯本有又論語曰曾謂泰山亦同也

語助也十四字按此知古論語亦作瞽字

𠂔

𠂔 从乃省𠂔聲籀文𠂔不省

按籀文𠂔當作𠂔字重文

可

誰何之何本作可何字別爲擔何之何李邕娑
羅樹碑末云一歸可門張弼曰可門者何門也
又食貨志有揚可告緡之令師古謂發動之
按此可字疑卽譴呵之呵

哥 聲也古文以爲訶字

按注云古文蓋指古文尚書也漢書藝文志引書曰詩言志哥永言故哀樂之心感而哥詠之聲發誦其言謂之詩詠其聲謂之哥班訓哥字與說文合

亏

平 爰禮說

按爰禮之爰卽轅字

喜

熹
說也

漢書地理志熹爲商賈不好仕宦

鼓
郭也

師古言郭張皮而爲之

豈

幾
幾也臣鉉曰說文無幾字當是訖字之誤

尔疋幾汔也

豐

豈
書曰平豈東作

平當作永艷今誤作秩秩無序義

盧 古陶器也

錯本陶作祠

庀

處

漢書五行志處義氏繼天而王師古曰讀與伏

同

盧 讀若鄜縣

鄜錯本作鄜

𧇧 从虎虎足反瓜人也

今省作虐

虎

𧇧 易履虎尾𧇧𧇧

今本作𧇧𧇧馬本作𧇧𧇧音許逆反與說文合

𧇧 附

鄭氏易以待𧇧客

𧇧

𧇧 分別也

魏都賦蒹葭營葍森李善注引此又尔疋贊
有力注出西海大秦國有養者似狗多力獷惡

皿

盧

飯器也

鍤本作飲器 食貨志開一盧賣如淳曰酒鑪
臣瓚曰酒瓮師古曰皆非也盧者賣酒之區也
以其一邊形高如煨家盧故取名耳非謂火盧
及酒瓮也趙廣漢入丞相府破盧及罌盧亦謂
所居罌瓮之處耳